



**Ka Jingbishar
hok ia ka
Jingshitom
jong nga**



Ka Vimla ka khie bad shong syndet na ka jingiohthiah, u klongsnam u kyndeh. Sa kawei ka jingphohsnew kaba sngewngiew! Manla ka por, ki jingkynmaw basngew shyrkhei ki wan ha ka jingphohsnew—ka jingkynmaw ia u brieu uba la shim kabu ia ka mynba ka dang don tang 12 snem ka rta.

Ka Vimla kam lah ban klet ia kata ka sngi. Ka sngewlehrain bad sngewtngit iyalade bad kam shym la iathuh hano hano ruh shaphang ka jingkit bakhia jong ka jingshitom ba ka bah. Wat hadien ba ka Vimla ka la pule ha university, ka jingsngew sheptieng bad jingruma ki dang iai wan ha ka. Ka la isih ia uta u brieu bad kyrmens ba un ioh pynshitom ia kaei kaba u la leh.

Ki Jingkylli Bajwat

La pynwit ia ki jingmut jingpyrkhat ka Vimla da ki jingkylli. Hato u nongleh beijot ia ka un ioh ia ka jingbishar hok lyngba ka karma? U long u brieu uba riewblei bad ba bna nam ha ka nongbah jong ka. U la leh shibun ki kam babha na ka bynta ki brieu, u shah jingit barabor, bad pynpaw ia ka jingshakri bahok sha ki blei. Hato kawei ka kam bymman kan pynlong ka jingiapher haba thew pyrshah ia baroh ki kam babha jong u? Kam shym la tip kumno ki ain jong ka karma ki treikam, hynrei ka tip ba ka jingbymman jong

u ka la wanrah ka jingkylla ha ka. Ka Vimla kam lah ban klet ia ka jingpang mynsiem jong ka.

Kaba Wad ia ka Jingbishar Hok

Kawei na ki para ba iapule lang jong ka, ka Saira, ka trei bad kawei ka seng kaba iarap ia ki kynthei kiba don jingeh bad jingdonkam. Ha kawei ka sngi, ka Saira ka la khot sngewbha ia ka Vimla ban wan sha sor bad leit jngoh ia kane ka jaka trei jong ka, ka jaka kaba ju iarap ia ki riewkynthei, ki kynthei ba la shah banbeiñ bad leh beijot. Ka Vimla ka sngew khuslai bad pyrkhat kumno lada don mano mano ba la tip ia ka barieh bashyrkhei jong ka. Hynrei ka Saira ka long kaba sbun ba ka pynlong ia ka Vimla ban leit. Katba ki dang ialeit, ka Saira ka la iathuh shaphang katto katne ki kynthei kiba la mynsaw kiba ka la iakynduh ha ki khyndiat sngi mynshwa.

“Hato phi la ju iohi ia ki kynthei kiba la shah banbeiñ ha ki nonghikai niam?” Ka Vimla ka kylli da kaba sngewlehraiñ.

“Hooid, teng teng,” la jubab ka Saira. “Ka long kaba sngewsih shisha. Tang namar don mano mano uba kam ba u long uba riewblei kam mut ba u don ka jingiadei bad u Blei.”

“Kata kaba dei. . .”

“U nonghikai jong nga, u Mahaguru, u ong ba ka niam ha ka pyrthei kan long kaba pyut

ha ki sngi jong ngi. Ngi dei ban mih noh na ka niam kaba pyut bad ban don ka jingiadei bad u Blei Nongthaw. Un ai ha ngi ia ka dohnud kaba thymmai bad map ia ngi na ki kam basniew jong ngi. Bad ngin long shibynta bad kito kiban iohi ia U Blei ba un sa thaw thymmai ia kane ka pyrthei kum ka jaka kaba janai bad kaba ym don shuh ki briew kiba sniew.”

“Sngewtynnad shisha ia kata. Uei u nonghikai jong phi?”

“Nga bud ia U Trai Jisu Khrist. Ulong u nonghikai bakhraw, hynrei u long ruh U Blei ba la wan ban long briew. Hato phi tip shaphang jong U?”

“Nga tharai nga la iohi katto katne ki dur jong U ha iew, hynrei ngam da tip bha shaphang jong U. Kiei de ba u la ong?”

Ka bos ka la wan ieng hajan ka jaka iaid jong ki. “Ia ngin iakiew ha bos,” ka Saira ka la ong, “bad ngan sa iathuh shuh shuh ia phi.”

Ka Jingarsap Bakynja-Mynsiem

Ka Vimla bad ka Saira ki la kiew ha ka bos bad ki la ioh jaka shong ruh.

“U Jisu u la kren shibun shaphang ka bor ktah bapynjot jong ka jingarsap ki kynja niam,” Ka Saira ka la ong. Ka la sei ia ka kot barit jong U Trai Jisu na ka pla jong ka bad plied. “Peit aii ka ong hangne,” ka la kdew. Ka Vimla ka la pule,

Hynrei kordit ia phi, ki nongthoh bad ki Pharisi, kiba arsap! naba phi bam duh ia ki iung ki riewkynthei, te phi duwai jlan khnang ban tyllep: namar kata phin iohdiang ka jingshitom kaba kham khraw (ka Baibl, Mathaios 23:14).

“Mano kita ki nongthoh bad ki Pharisi?” Ka la kylli.

“Ki long ki kynja nonghikai niam ha ki por U Trai Jisu,” la batai ka Saira, “hynrei ki long kiba arsap bad kiba sniew.” Ka Vimla ka la kohnguh bad bteng ban pule.

Kordit ia phi, ki nongthoh bad ki Pharisi, kiba arsap! Naba phi pynkhuid ia kaba shabar ia ka khuri bad ia ka pliang, hynrei shapoh ki dap da ka jinglute bad ka jinglalot. Me u Pharisi bamatlah! To pynkhuid shuwa ia kaba shapoh ka khuri bad ka pliang, ba kaba shabar jong ki kan ioh long khuid ruh (ka Baibl Mathaios 23:25-26).

Ka Jingbishar Babymjukut

“U Blei Nongthaw u iathuh ha ngi ban long kiba husiar namar ka jingarsap bakynjamynsiem ka dang don hapdeng jong ngi mynta ruh,” la ong ka Saira. “Ka kot jong U

Trai Jisu ka ong ba ka pyrthei bad ki niam ki rukom kin long kiba pyut klop ha ki sngi jong ngi. Hynrei u Blei un sa bishar ia ki nongleh bymman ynda haba Un thaw thymmai pat ia ka pyrthei.”

“Ha kano ko rukom phi tharai un bishar?” Ka Vimla ka kylli.

“Ka kitab jong U Trai Jisu ka ong ba U Blei u buh jingkynmaw ia baroh ki kam babha bad kam basniew jong uwei pa uwei ha ka kitab,” la batai ka Saira. “Ha kaba kut jong ka por, U Trai Jisu Khrist un sa wan ha ki lyoh bneng. Baroh un iohi ia U. Un sa bishar ia uwei pa uwei na ngi kat kum ba la thoh ha kata ka kitab.”

Ka Vimla ka kwah tip shuh shuh.“Hynrei kumno ngin leh shaphang ki kam sniew jong ngi?” ka la kylli.

Ka Saira ka la phuhsamrkheie katba ki la poi sha ka jaka jong ki bad ki lah hiar noh na kata ka bos. “Kata ka long ka bynta kaba sngewtynnad tam. U Trai Jisu u la iap kum u langkñia na ka bynta ki pop bad la pynmihpat ia U. U la kular ba lada ngi phla ia ki pop jong ngi bad ngeit ha U, ka kam babha jong ka jingaiti ka jong U ia la ka jingim ka long kaba donbor haduh katta katta ba ka lah ban pynkhuid bad pyndam ia ki kam basniew jong ngi baroh na kata ka kitab.”

Ka Khubor Jingbishar Babha Tam

Ki la poi ha kata ka jaka ba ai jingiarap ia ki kynthei kiba la lyndet. Ka Vimla ka la khmih sha kita ki riewkynthei kiba duk barangli, kiba ap jingbam man ka sngi shabar kata ka jaka. Ka la iohi ia kawei ka kynthei kaba ibit ibiang kaba rung stet shapoh, katba ka dang pyrshang ban buhrieh ia ka khmat ba la jngem iong da ki iitkhmat iong. La khñiot ia ka dohnud ka Vimla da ka jingsngewlem. Ym dei tang maka kaba don jingmong!

Ka Saira ka peit thuh ia ka. “Hato ka biang bad phi?”

“Hooid, nga biang,” ka Vimla ka jubab. “Hynrei nga sngew ba ngi donkam ia U Trai Jisu ba un wan kloinoh ban long u nongbishar jong ngi. Lada ka long kaba shisha ba un pynduh ia ki bries bymman bad ialam ia ki bries babha sha ka jaka kaba itynnad ban im junom, ka dei ka jingbishar kaba bha tam ba nga la ju iohsngew!”

Lada phi kwah ban tip shuh shuh shaphang ka kitab jong U Trai Jisu, sngewbha phone ne thoh sha ngi katkum ka jingtib kaba don ha dien jong kane ka kot.

Copyright © 2023 by Sharing Hope Publications. Lah ban shon bad iasam ia ki kam na ka bynta ki jingthmu ki bym dei na ka bynta ka kam khaiii khlem jingbit.

Ia ki Jingthoh Bakhuid la sot na ka Baibyl Khasi®. Copyright © The Bible Society of India.

Jingpule shuh shuh



Ki Briew
Bakyrpang
U Blei



Ka Sngi jong
ki Kambah

Scan ia u QR code ban
tip kham bniah.

